

De Grënner vun der Scoutsbewegung de Robert Smith Baden Powell, Lord of Gillwell, deen mir nëmmen de B.P. nennen huet der Welt d'Iddie vum Scoutismus geschenkt. A sengem Abschiedsbréif un d'Scouten aus aller Welt huet hien eis Scouten opgedroen ; “ *Versicht d'Welt e bës'che besser ze verlossen wéi Dir se viirfonnt hutt.* ” Fir all Amicalesleit , Cheftaine oder Chef ass daat den eigentleche Beweggrund firwaat mir eis an den Déngscht vun de Kanner a Jugendlëche stellen.

Fir zesumme mat hinnen bei Spill Spaass awer bei muenech sérieux'em Effort deene wiirkeleche Wärter am mënschleche Liewen nozefuerschen, sinn an eise Grupp an deene vergaangene 7 Joer an allen 3 Branchen zesummen ongeféier **340 Versammlungen** ofgehaalen ginn. D'Wëllfcher, d'Explorer an d'Pionéier waren an der Zait während **192 Deeg an 166 Nuechten** op engem Camp, engem Weekend oder enger Sortie zesummen. Daat heescht, wann een ët zesummerechent , waren während e bës'che méih **wéi 6;5 Méint** Kanner a Cheffen mat enger gemeinsamer Iddie ënnerwee , an huen dobei **och 87 Nuechten** am Zelt oder ënnert freiem Himmel geschloof.

An dësën 7 Joer sinn **mindestens 126 Kanner a Jonker** an eise Grupp gewiecht, dovun , sinn der de Moment nach **61 aktiv**. Et hun sëch an der Zait **28 Leit als Cheff** engagéiert (op manst verbal), dovun sinn der elo nach **12méih oder manner aktiv**, awer offiziell nach ugemellt.

De Moment sinn genau 83 Memberen beim Verband gemellt:

- 19 Wiwel
- 27 Explorer
- 15 Pionéier
- 10 Matarbechter (Amicale)
- 12 Chef/taines dovun 5 bei de Wiwel, 4 bei den Explorer, 2 bei de Pio'en an eisen Aumonier Iwerbléck iwert de Grupp ginn. Zum Stand vun eiser Cheffformatioun seet de Steve nach e puer Wuert.

d'Scoutsjoer 1999/2000 am Réckbléck:

- No enger wuelverdingter Vakanz waren d'Cheffen den 14.09.99 eng éischte Kéier zesumme fir sëch géigenseiteg de Bolz ze huelen an déi nei Saison viirzebereeden
- Wéi d'Traditioun et wëllt ass d'Saison offiziell ugang mam **Kongress** vun den LGS zu Luerenzweiler den 23.09.99 en Dag drop ass et mam **Chefdag** weidergang. Eise Grupp war mat enger grousser Delegatioun (8 Leit) vertrueden. Dat ass ëmmer eng flott Geleegeheet fir al

Bekannter rëmzegesinn, an nei Frënn ze fannen. Ausserdem gin hei ëmmer déi eng oder aner Iddie vir déi nei Saison ausgetauscht.

- Fir Explorer a Pionnéier war déi **éischt Versammlung** mat de Kanner a Jugendlëchen den 05.10.99. Leider waren eng ganz Reih vun eisen ale Pionnéier nëtt méih derbei, sou datt d'Reihen vun de Pioen stark gelicht waren. Op enger spezieller Versammlung mat allen Pionnéier, den 28te September 99 hate mir an enger freier Aussprooch mat den ale Pionnéier déi Punkten diskutéiert, déi eis um Summercamp entzweet haten. Sou sinn mir weinstens am Versteesdemëch fir dem aneren sein Standpunkt auseneen gangen.
- Séier hat eis de Scoutsalldag nees a senger Gewalt mat sengen traditionellen Aktivitéiten. Dëschdegs den 19.10.99 hu mir dem Hierscht seng gutt Seit genoss a **Viez gekeltert** an Äppeltaarte gebaak. Mat engem Thüringer beim Lagerfeier ass dess Aktioun zu Enn gang.
- Samsdegs den 23.10.99 war Opregung ze spiiren. Wiwel an Explorer sinn zesummen mam Bus an de Mëllerdall gefuer. Bei engem Fousstour duerch déi flott Fielselandschaft hun d'Estelle, d'Anne, d'Martine, d'Sandy, d'Joelle, d'Cathy, de Ben, den Alain, de Marc, an de Paul an der Hiel "Déiwepötz" hier **Montée bei d'Explorer** gemaacht. Angeblech soll keen an der Hiel gefaart hun. Si koumen och nët derzou well se sech op hirt Gejeitz an der Hiel hun miise konzentréieren.
- Gleich no der Montée ass de Carlo mat de **Bulldogs** am Bësch bliwwen. Dëss Patrull hat **d'Camp trophy** 1999 gewonnen an domat e **Weekend** fir sech eleng. Sie hun zu Berdorf an enger grousser Hiel (Huella) geschlof, an dobei gemierkt, dass een Nuets nëtt ëmmer eleng am Bësch ass.
- Den nächste Coup stung schon virun der Diir. Vum 4. bis de 7ten 11.99 waren **d'Pionéier um Montéescamp zu Kalber**. Als Aussteiger a Biobauern hun d'Nathalia, de Pit, de Jérôme, de Fonni (Ex Christopher) an de Gilles villes mussen aushalen fir an d'Pio'en ze kommen. Souguer en Hike vun bal 28 km !! hun sie zesummen gepackt, an dat bei den Eislécker Koppem do uawwen an Temperaturen vun zum Deel minus 6 Grad.
- Den 19.11.99 war eng méih gemittlech Aktioun fir d'Cheffen ugesot. Nom Motto: "Man gönnt sich ja sonst nichts" hun eng Reih Leit vun eis beim **Avex-Chefftreff** zu Warken den neie Beaujolais begréist. Dat sollt nëmmen zur Afféierung an den Thema: Alkoholismus am Scoutismus dengen. Dësen Thema ass gleich drop nach verdéift gin, wéi
- den 21.11.99 eis Pio'en zu Medingen en denkwürdegt Experiment gemacht hun. Sie hun hier natiirleech Oofneigung géinst de Béier iwerwonnen an selwer Béier gebraut. Eis éischt Cuvée "**Martinator**" ass entstaen. De Wert vun de Bouferdéngsaktien ass dorop stark an de Keller an de Keller gefall.
- Mais gleich drop hu mir nees zur gewinnter Sériositéit missten zeréckfannen. Samsdegs den 27.11.99 hu mir wéi wëll **Adventskränz** gebastelt, fir eiser Kees de Réck ze steipen, datt dobei de **Klës'chen** eis och nach beschenkt huet hu mir eis gär gefale gelooss;
- Krëschttag stung virun der Diir. An der Perspektiv sinn mir, den 21.12.99 mat allen 3 Branchen op Réimech gefuer **d'Friddenslicht** vu Betlehem oofhuelen, dat déi Réimecher Scouten op Wien fir Lëtzebuerg siche waren;
- Mais virun de Feierdeeg sinn mir nach eng Kéier voll aus dem Suedel gang. Den 23.12.99 hu mir eis mat engem Nuetsmarsch, enger **Veillée** an enger Spagettisfriess op **Krëschttag** agestëmmt. Dobei hun mir decidéiert, de Parrainage iwert e kleng Jong aus Afrika ze iwerhuelen. **Den Amadou Yalcoué** (gebuer 1989) liewt an engem SOS-Kannerduerf zu Scoura Mopti am Mali. Mat 40 Frs am Mount (jidfereen verzicht op eng Cola) kennen mir him eng Platz am

Kannerduerf an eng ordentlech Ausbildung garantéieren. Waat asl Kollektiv-B.A. ënnert dem Krëschtbemchen hei am Home ugangen ass, leeft elo am 2te Joer. Zënter dësem Krëschttag sollen sech och d'Pionnierer bedeelegen. Pénktlech nom 3te Rappel landen d'Suen och meeschtens an der Sammeldous. Leider huet bis elo nach keen vun de Scouten d'Offer opgegraff, fir mat eisem klengen Parrain an Bréifkontakt ze trieden. Mais, waat nëtt ass, ka jo nach kommen.!

- De 24.12.99, op helleg Owend sin mir an e puer Equippen ënnerwee gewiecht, fir **d'Friddensliicht** vu Betlehem an e puer Kichelcher, déi d'Scouten matbruecht haten, un ëm déi 70 Mënschen ze **verschenken** déi al, krank oder eleng waren. Sou hun mir e wéineg richteg Krëschttagsfreed konnten bréngen an erliewen;
- Dëschdes den 28.12.99 an den 04.01.2000 hate mir eng Première; Fir d'éischte Kéier hate mir an enger Vakanz **Versammlungen** (zum Thema **Weltrees**, Italien a Kanada stungen nach um Programm) D'Chefféquippe war sech eens, mir haten nach nëtt bal en Thema fir eng Expeditioun dat vun de Scouten sou gutt opgeholt gouf wéi grad d'Weltrees. Mat ganz vill Asatz ass gebastelt, gesammelt, gekacht a geschmaacht ginn, waat aner Länner ze bidden hun. Dëss Expeditioun Weltrees huet hirt' Enn fonnt vum 5.-8.01.2000 wéi dun eis Explorer zu Kalber um **Wantercamp**. Do sinn sie ënnert dem Thema "Rees op Hawaii" matten am Wanter am Bast-rätkchen dorueter galaaf. Nom Nuetspill an de Ruinen vun der Kalbermillen hun déi meescht vun den neien Explorer hiren Start gehollt,
- Samsdegs den 11.02.2000 haten mir Cheffen an eis Frënn aus der Amicale eise **gemeinsamen Owend**. Bei engem gudde Maufel hu mir neie Schwok getankt vir déi Effor'ten déi vrun eis louchen.
- Den 19ten an 20.02.2000 ware mir dramaturgesch aktiv. Op eisem **Scoutsteater** hun d'Wiwel "3 gëllen Daiwelshoer" gespillt, d'Explorer waren mat "E Six-Pack am Lotto" an "de Koffer" derbei während d'Pio'en mat "Steierallergie" an "welcome to Luxemburg" 2 flotter Sketcher zum Beschte ginn hun. D'Kulturwelt war sech eens, Fëlschdrëff entwéckelt sech, dank eis, lues awer secher, zum kulturelle Mëttelpunkt vum Grand-Duché.
- 2 Deeg duerno hun mir mam ganze Grupp **gefeiert**, an zwar 3fach: - de 7te Geburtsdag vun eisem Grupp; - de Thinkingday (dem B.P. sei Geburtsdag) - an den Erfolleg vun eisem Teater. De Boris huet eis e kurze Portrait vum B.P. gemaakt, d'Pio'en hun de Martinator der staunender Welt präsentéiert, an zesummen hu mir dunn eis Zaloten an Dessert'en gebafft;
- Fir der spiritueller Dimensioun vun eisem Scoutsengagement och nees eng Kéier gerecht ze ginn hun d'Scouten zu den 06.04.2000 Fëlschdrëff de **Kraizwee** mat de Leit gebiet.
- Den 15ten a 16.04.2000 waren d'Explorer zu Lenningen um **Technikeweekend** vir sêch an de klaseschen Scoutstechniken aféieren oder perfektionéieren ze loossen; 1t Hëllef, Konstruktiounen, Kniet an Orientéierung stongen um Programm. De Jang koum, an huet eis am gehëtztten Zelt e flotten Wuertgottesdéngscht gehal, de Pällem deen dobei geseent gouf huet eis esouguer bis an Dänemark begleet; eng Reih vu Bagder konnten dunn u stolz Explorer iwerreecht gin, als Auszeechnung vir geleschten Effort'en. Flott war, datt esouguer een Atelier vun 4 Explorer selwer geleet gouf. Hei huet sech rem gewisen, datt och Cheffen nëmmen Mënschen sinn. d'Rettungsschléng op allefall konnt kee Cheff méi viirmaachen. Doraus awer de Schloss ze zéien, déi wäer jo och nëtt méih ze retten, ass trotzdeem nëtt erlaabt.
- Op Halleffaaschten huet eng Delegatioun Explorer a Pionnierer vun eisem Grupp sech, mat de Réimecher Scouten un der Kavalkade zu Réimech bedeelegt'.

- Vum 20ten op den 21.04.2000 (Karfreideg) waren 6 Explorer an de Carlo duerch d'Nuecht an de Kiischtebiereg gengan wou sie bei der "**Operatioun Getsemani**" eng reliéis Veillée erliewt an an engem Chalet geschloof hun. Den aneren Dag hun sie mat grousser kierperlechen Asatz Dännenstangen geseet, gebotzt an aus dem Bësch gedroen fir eise Konstruktionsholzbestand ze vergrësseren;
 - Als grous Frënn vun der Natur hu mir eis den 06.05.2000 un der **Grousser Botz** an der Gemeng Duelem bedeelegt
 - Den 19.05.2000 hun den Tim an de Gilles eng Start-rencontre organiséiert fir eng **RA-RO** (= Ranger-Rover) branche an eisem Grupp ze grënnen fir denen, déi fir Pio'en ze aal a fir d'Amicale nach ze jonk sinn, eng Plaz an eisem Grupp ze ginn,
 - Wéi all Joer ass d'Oktave den 14.05.2000 mam **Pélé des jeunes ugangen** .Mir haten eis zu Medingen aquartéiert fir vun do an d'Staad ze pilgeren. Den Tim an de Gilles hun eis do eng reliéis Veillée als Virbereedung op de Pélé ofgehalen, virun der mir al Cheffen nëmmen konnten den Hut zéien;
 - Den 31.05.2000 war dann eis traditionnel **Mini-Playbackshow** als Optakt fir eis **Scoutskirmes**,
 - déi den 01.06.2000 bei herrlechem Wieder konnt stattfannen. Mir Scouten hun eis Première ginn vum Programm vum Scoutszirkus Seppelino , deem beim Publikum gutt ukomm ass, an eis Amicale hat de Leit mat engem flotte Quiz an gudder Kichen viles ze bidden.
 - Den 04.06.2000 war méi en traureg't Evenement op der Dagesuerdnung. Mir d'Cheffen an d'Amicale hun den **Abschied** vun eise Frënn a Grënnungsmemberen dem **Simone a René Thill** gefeiert, déi bis zulescht a mat ganz vill Asatz a Geschéck eis Kees gefeiert hun. Sie hannerloossen e grouss Lach an eiser Amicale.
 - Gleich drop ass et eescht ginn. Mat eisem Zirkus programm sinn mir dun vum 10te bis den 13.06.2000 op den Tour gengan .Eise **Paischtcamp** ënnert der Form vum Scoutswanderzirkus huet eis mat 4 Traktoren a Ween iwer Canach op Ehnen gefeiert. 2 Virstellungen vun eisem Zirkus stungen um Programm, an dun een Dag Spillen a Raschten , éih mir Paischtd'nsdes am Nomëttes nees mat eise Gefierer zu Duelem ukomme sinn.
 - Jhust virum Summercamp hu mir nach eng grouss Acquisitioun gemacht.Mir hun eis eng grouss **Jurte** kaft vun 51 m2 Well een dodrann ka Feier maachen hun mir lo op all Camp eng warem an drësche Stuff.
 - Den 22.06.2000 um **TeDeum** virum **Nationalfeierdag** hun d'Wiwel eis Faarwen vertrueden bei der offizieller Zeremonie vun der Gemeng
 - Endlech, vum 18te -29.07.2000 war et souweit.Zu Tistrup bei Esbjerg an Dänemark hun mir , op de Spuren vun de Wikinger, een vun de flottste Summercamp'en bis elo erliewt. Am Scoutscenter Assenbaekmolle um "**Althing 2000**" - sou den Numm vun eisem Summercamp , hu mir mat den Explorer an de Pionnier e flotten Scoutscamp erliewt, deem eis niewebei och nach den Ëmgang mat de Spillregelen vun der Parlamentarescher Demokratie geléiert huet;
 - 3 Grupperéit, 10 Cheffversammlungen an 34 Versammlungen mat de Scouten hun nach stattfonnt vir d' Scoutsjoer voll ze maachen. Duerfir waren mir frouh, wéi mir dat gréngt Hiem den 29te Juli mol konnten an de Schaf hänken.
- Souweit de Réckbléck op dat vergangent Scoutsjoer,